

Tel/Fax. 051/532-072, 530-645
Žiro rn: 562-099-00002620-06 Razvojna b.
PDV:401147850009
JIB: 4401147850009
Matični br: 01164899
Upisano kod Osnovnog suda B. Luka
registar br: MBS: 1-354-00

Broj nabavke: 1420/17
Broj akta: 1667/17
Datum: 30.11.2017. godine

Na osnovu člana 69. stav 1. tačka b) i člana 70. stav 1., 4. i 6. Zakona o javnim nabavkama Bosne i Hercegovine ("Službeni glasnik Bosne i Hercegovine", broj 39/14), a na preporuku Komisije za javnu nabavku korištenog specijalizovanog motornog vozila za sakupljanje i prevoz otpadne vode, fekalija i drugih muljnih sadržaja, te za pročepljanje kanalizacionih cijevi, date u Zapisniku o pregledu i ocjeni ponuda broj: 1661/17 od 29.11.2017. godine, vršilac dužnosti direktora KP "Budućnost" a.d. Laktaši, dana 30.11.2017. godine, donio je

ODLUKU

o poništenju postupka javne nabavke

I

Prihvata se Preporuka Komisije za javnu nabavku korištenog specijalizovanog motornog vozila za sakupljanje i prevoz otpadne vode, fekalija i drugih muljnih sadržaja, te za pročepljanje kanalizacionih cijevi broj: 1661/17 od 29.11.2017. godine, te se poništava postupak javne nabavke specijalizovanog motornog vozila za sakupljanje i prevoz otpadne vode, fekalija i drugih muljnih sadržaja, te za pročepljanje kanalizacionih cijevi, za koje je na Portalu javnih nabavki objavljeno Obavještenje o nabavci broj: 470-1-1-9-3-7/17.

II

Ova Odluka objaviće se na web stranici www.kpbuducnost.com istovremeno sa njenim upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

III

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 1420/17 od 18.10.2017. godine, čiji je predmet bila nabavka korištenog specijalizovanog motornog vozila za sakupljanje i prevoz otpadne vode, fekalija i drugih muljnih sadržaja, te za pročepljanje kanalizacionih cijevi.
Javna nabavka je sprovedena putem otvorenog postupka.
Procijenjena vrijednost javne nabavke bez PDV-a iznosila je 95.000,00 KM.
Predviđeno je zaključenje ugovora o javnoj nabavci.

Obavještenje o nabavci broj: 470-1-1-9-3-7/17 poslato je na objavljivanje dana 20.10.2017. godine, a objavljeno je na Portalu javnih nabavki dana 20.10.2017. godine, uz objavu tenderske dokumentacije na portalu javnih nabavki, dok je sažetak Obavještenja o nabavci objavljen u Službenom glasniku BiH broj: 79/17 od 03.11.2017. godine.

Komisija za javnu nabavku korištenog specijalizovanog motornog vozila za sakupljanje i prevoz otpadne vode, fekalija i drugih muljnih sadržaja, te za pročepljanje kanalizacionih cijevi, imenovana je Odlukom o imenovanju komisije za javnu nabavku korištenog specijalizovanog motornog vozila za sakupljanje i prevoz otpadne vode, fekalija i drugih muljnih sadržaja broj: 1421/17 od 18.10.2017. godine.

Komisija za javnu nabavku dostavila je dana 29.11.2017. godine Zapisnik o pregledu i ocjeni ponuda broj: 1661/17 od 29.11.2017. godine, sa preporukom za poništenje predmetnog postupka javne nabavke.

U postupku po Zapisniku o pregledu i ocjeni ponuda je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije);
- da su blagovremeno zaprimljene 2 (dvije) ponude;
- da nema neblagovremeno zaprimljenih ponuda;
- da je ponuda ponuđača "Grande Trivić" d.o.o. Laktaši neprihvatljiva, jer nije u skladu sa zahtjevima iz tenderske dokumentacije, iz sljedećih razloga:
 - ponuđač na drugoj stranici ponude, u Obrascu za ponudu sa izjavom ponuđača, nije potpisao i pečatirao Obrazac za ponudu – izjavu ponuđača, odnosno na istom nedostaje potpis ovlaštene osobe kao i pečat preduzeća na za to predviđenim mjestima, što nije u skladu sa Tenderskom dokumentacijom i Zakonom o javnim nabavkama.
- da je ponuda ponuđača "Savić investgradnja" d.o.o. Banja Luka neprihvatljiva, jer nije u skladu sa zahtjevima iz tenderske dokumentacije, iz sljedećih razloga:
 - na prvoj stranici ponude, u Obrascu za ponudu, ponuđač nije naveo broj obavještenja sa Portala javnih nabavki (470-1-1-9-3-7/17), već je umjesto toga naveo broj 1420/17;
 - na drugoj stranici ponude ponuđač je naveo da njegova ponuda važi do 08.01.2018. godine, što nije u skladu sa zahtjevima iz Tenderske dokumentacije broj: 1435/17 od 20.10.2017. godine. Naime, Tenderskom dokumentacijom je određeno da ponude ponuđača moraju važiti najmanje 60 dana, računajući od isteka roka za podnošenje ponuda. Kako je rok za podnošenje ponuda istekao dana 10.11.2017. godine, to je ponuda ponuđača morala važiti najkraće do 09.01.2018. godine. Tenderskom dokumentacijom je određeno da u slučaju da ponuđač u ponudi navede period važenja ponude kraći od roka navedenog u Tenderskoj dokumentaciji, ugovorni organ će odbiti takvu ponudu. Ponuđač je naveo period važenja ponude koji je kraći od 60 dana računajući od isteka roka za dostavljanje ponuda;
 - na strani 6 ponude, u izjavi o ispunjenosti uslova iz člana 45. stav 1. tačka a) do d) Zakona o javnim nabavkama BiH, ponuđač nije naveo broj obavještenja o javnoj nabavci (470-1-1-9-3-7/17), već umjesto toga naveo broj 1420/17, te nije naveo broj Službenog glasnika BiH u kojem je objavljeno obavještenje o nabavci;
 - na strani 22. ponude, u Pismenoj izjavi iz člana 52. Zakona o javnim nabavkama, ponuđač nije naveo broj obavještenja o javnoj nabavci (470-1-1-9-3-7/17), već umjesto toga naveo broj 1420/17, te nije naveo broj Službenog glasnika BiH u kojem je objavljeno obavještenje o nabavci;

- na strani 25. ponude, u Nacrtu ugovora o javnoj nabavci, ponuđač nije u cjelosti popunio nacrt ugovora. Naime, u članu 2. stav 1. nacrta Ugovora nisu popunjeni podaci ponuđenog korištenog vozila koji se odnose na njegovu cijenu. U tački 25. Tenderske dokumentacije određeno je da su ponuđači dužni dostaviti Nacrt ugovora o javnoj nabavci u koji su unijeli podatke iz svoje ponude. Ponuđač nije popunio u cjelosti nacrt Ugovora, odnosno u isti nije unio sve podatke iz svoje ponude.

Članom 68. stav 4. tačka i) Zakona o javnim nabavkama ("Službeni glasnik Bosne i Hercegovine", broj 39/14) propisano je da je ugovorni organ dužan da odbaci ponudu u slučaju kad ponuda nije potpuna i ne ispunjava zahtjeve iz tenderske dokumentacije.

Pored navedenih razloga za poništenje postupka javne nabavke, a koji se odnose na neprihvatljivost ponuda, Ugovorni organ je prihvatio i preporuku Komisije za javnu nabavku da bi postupak javne nabavke trebalo poništiti i zbog nedostataka u Tenderskoj dokumentaciji za nabavku roba - specijalizovano motorno vozilo za sakupljanje i prevoz otpadne vode, fekalija i drugih muljnih sadržaja, te za pročepljanje kanalizacionih cijevi broj: 1435/17 od 20.10.2017. godine, a koji se sastoje u činjenici da je Komisija za javnu nabavku prilikom pregleda i ocjene ponuda ponuđača utvrdila da Tenderska dokumentacija za nabavku roba – specijalizovano motorno vozilo za sakupljanje i prevoz otpadne vode, fekalija i drugih muljnih sadržaja, te za pročepljanje kanalizacionih cijevi broj: 1435/17 od 20.10.2017. godine, sadrži određene nedostatke zbog kojih nije moguće izvršiti adekvatan pregled i ocjenu ponuda, kao i testiranje ponuđenih motornih vozila, što dovodi u pitanje kvalitet i uspješnost postupka nabavke. Naime, u tački 8. Tenderske dokumentacije navedene su tehničke specifikacije specijalizovanog motornog vozila koje je predmet nabavke, među kojima je navedeno da pritisak pumpe za pročepljanje mora biti minimalno 100 bara. Pregledom ponuda Komisija je utvrdila da pripremljeni obrazac Izjave o tehničkoj specifikaciji ponuđenog motornog vozila, a koji se nalazi u Aneksu 3 Tenderske dokumentacije, ne sadrži u sebi mjesto na kojem bi se ponuđači izjasnili o pritisku pumpe za pročepljanje, te iz tog razloga Komisija ne može pregledom ponuda ocijeniti da li ponuđena vozila zadovoljavaju taj uslov. Komisija ističe da je pritisak pumpe za pročepljanje bitna karakteristika motornog vozila, jer ukoliko motorno vozilo ne posjeduje funkcionalnu pumpu, ili ta pumpa nije odgovarajuće jačine koja je potrebna Ugovornom organu, onda motorno vozilo nije od koristi, te se nabavkom takvog vozila neće ostvariti svrha predmetne nabavke, obzirom da se sa nefunkcionalnom pumpom ili pumpom slabe jačine ne mogu vršiti usluge pročepljanja kanalizacionih cijevi, što je jedan od razloga za nabavku vozila. Ugovorni organ je definisao u Tenderskoj dokumentaciji da pritisak predmetne pumpe mora biti minimalno 100 bara, jer se sa takvom pumpom mogu vršiti pročepljanja kanalizacionih cijevi većeg profila ili većeg stepena začepljenosti.

Takođe, Komisija je istakla da je u Tenderskoj dokumentaciji navedeno da Ugovorni organ može putem stručnih lica iz komisije za javne nabavke, prije donošenja odluke o izboru najpovoljnijeg ponuđača, neposredno pregledati ponuđena motorna vozila radi utvrđivanja njihove usaglašenosti sa zahtjevima iz Tenderske dokumentacije i ponudom ponuđača, te da ponuđeno vozilo mora biti ispravno i u dobrom opštem stanju. Takva formulacija u Tenderskoj dokumentaciji omogućava stručnim licima iz Komisije samo vizuelni pregled ponuđenog vozila, međutim, ne i testiranje i probu kako bi se utvrdilo da li su ponuđena vozila u skladu sa Tenderskom dokumentacijom. Vizuelnim pregledom se ne može provjeriti da li je vozilo ispravno i u dobrom opštem stanju, te da li je u skladu sa zahtjevima iz tenderske dokumentacije, posebno uzimajući u obzir da je u pitanju nabavka korištenog vozila. Kao što je gore navedeno, pritisak pumpe za pročepljanje je bitna karakteristika vozila, te se pritisak pumpe može provjeriti jedino

probnim radom vozila, a ne vizuelnim pregledom, što nije predviđeno Tenderskom dokumentacijom. Na osnovu navedenog, Komisija konstatuje da prema Tenderskoj dokumentaciji ne može kvalitetno obaviti svoj posao, obzirom da nije predviđeno testiranje ili proba ponuđenog korištenog vozila. Pri davanju ovakvog mišljenja Komisija polazi prije svega od obaveze racionalnog i odgovornog korištenja javnih sredstava putem postupaka nabavki, pri čemu se obezbjeđuje adekvatna razmjena vrijednosti za novac, za što nije sigurna da je moguće osigurati bez detaljnog pregleda i testiranja ponuđenih korištenih vozila, a što Tenderskom dokumentacijom nije predviđeno.

Pored činjenice da je Komisija utvrdila da su ponude ponuđača neprihvatljive, Ugovorni organ takođe smatra da su nedostaci u Tenderskoj dokumentaciji, na koje je ukazala Komisija, takve prirode da takođe predstavljaju drugi opravdan razlog za poništenje postupka javne nabavke.


U postupku donošenja ove Odluke posebno su cijenjene činjenice da je Komisija, potpuno i pravilno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz tenderske dokumentacije.

U postupku ocjene provedenog postupka, vršilac dužnosti direktora Ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Iz navedenih razloga, a primjenom člana 68. stav 4. tačka i) i j) Zakona o javnim nabavkama odlučeno je kao u dispozitivu Odluke.

Pouka o pravnom lijeku

Protiv ove Odluke može se izjaviti žalba Kancelariji za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke.



Dostaviti:

-Ponuđaču: "Grande Trivić" d.o.o. Laktaši

-Ponuđaču: "Savić investgradnja" d.o.o. Banja Luka